

- 1' Wer bgärt / das man jm dyen all tag
- 2' Vnd er doch danck / vnd lon versag
- 3' Jst wol / das man jm die brütschen schlag



Von vndanckberkeyt.

- 1 Der ist eyn narr / der vil begärt
- 2 Vnd er nüt düt der eren wert
- 3 Vnd gibt eym müg / vnd arbeit vil
- 4 Dem er doch wenig lonen wil

1' Wer bgärt *GW5046 GW5047*] Werb gärt *GW5041*

5 Wer von eyner sach will haben gwynn
 6 Billich setzt der jnn synen synn
 7 Das er ouch kosten leg dar an
 8 Will anders er mit eren stan /
 9 Gar selkten jn sym wesen blibt
 10 Eyn müd roß / das man vber tribt
 11 Eyn willig roß würt stettig baldt
 12 Wann man das fütter jm vorhaldt
 13 Wer eym vil ding zü müten gar
 14 Vnd lonen nitt / der ist eyn narr
 15 Wer nit mag haben wol für güt
 16 Was man vmb zymlich lon jm düt
 17 Der soll zü zytten sich nit klagen
 18 Ob man jm arbeyt düt versagen
 19 Jo sol man jm die brittschen schlagen /
 20 Wes eyner will das er genyeß
 21 Der lüg das er ouch widerschyeß
 22 Vndanckberkeyt nymbt bösen lon
 23 Sie macht den brunnen wassers on
 24 Eyn altt Cystem nit wasser gytt
 25 Wann man nit wasser ouch dryn schytt /
 26 Eyn düren angel gar bald kyerrt
 27 Wann man jn nit mit öl ouch schmyert
 28 Der ist nit würdig grösser schenck
 29 Wer an die kleynen nit gedenck
 30 Dem würt billich versagt all gob
 31 Der vmb die kleyn nit saget lob
 32 Der heißt wol vnuernunfft / vnd grob
 33 All wysen ye gehasset hant
 34 Den / der vndanckbar wart erkant

*k2'**k ij*